



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

17 ՆՈՅԵՄԲԵՐԻ, 2017 թ.  
№ 15 (1015)

Թերթի առաջին համարը լույս է տեսել 1965 թ. մարտի 11-ին  
երկշաբաթաբեր • հրատարակման 52 -րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

## ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԵՔ ՏԱՐԵԿԱՆ Է



### «Լավագույն ուսանող» ամենամյա մրցանակաբաշխություն

Նոյեմբերի 10-ին, Երիտասարդական տոների շրջանակներում, Մանկավարժականում արդեն 8-րդ անգամ անցկացվեց «Լավագույն ուսանող» ամենամյա մրցանակաբաշխությունը: Համալսարանի Կենսաբանության, քիմիայի և աշխարհագրության ֆակուլտետի մագիստրատուրայի 1-ին կուրսի ուսանողու-

➤ 2



### ԳՈՐԾԸՆԿԵՐԱՅԻՆ ՀԱՆԴԻՊՈՒՄՆԵՐ ՌՈՒՍԱՍՏԱՆՈՒՄ

Մանկավարժական համալսարանի պատվիրակությունը՝ ռեկտոր Ռուբեն Սիրզախանյանի գլխավորությամբ, հոկտեմբերի 31-ից նոյեմբերի 3-ը մասնակցեց Մոսկվայի մանկավարժական պետական համալսարանի 145-ամյակին նվիրված միջոցառումներին: Պատվիրակության կազմում էին նաև միջազգային համագործակցության բաժնի պետ Քրիստինա Ծատուրյանը և ռուսաց լեզվի ամբիոնի դասախոս Արմեն Հակոբյանը:

Այցը հազեցած էր մի շարք հանդիպումներով, մասնավորապես նոյեմբերի 2-ին ՄՄՊՀ-ի ռեկտոր Ալեքսեյ Լուբկովի հետ հանդիպման ընթացքում քննարկվեց «Ամառային դպրոց» միջազգային ծրագրին բուհի ուսանողների մասնակցության, պրակտիկայի շրջանակներում նրանց փոխանակման, երկակի դիպլոմների շնորհման վերաբերյալ և այլ հարցեր:

Ռեկտոր Ալեքսեյ Լուբկովն իր պատրաստակամությունը հայտնեց աջակցելու համատեղ բոլոր նախաձեռնություններին:

Հաջորդ հանդիպումը Ռուսաստանի Ա. Ս. Պուշկինի անվան ռուսաց լեզվի ինստիտուտի ռեկտոր Մարգարիտա Ռուսեցկայայի և գիտական խորհրդի անդամների հետ էր:

➤ 2

# ԳՈՐԾԸՆԿԵՐԱՅԻՆ ՀԱՆԴԻՊՈՒՄՆԵՐ ՌՈՒՍԱՍԱՆՈՒՄ

➤1 Գիտական խորհրդի որոշմամբ էլ ՀՀ ՊՄՄ-ի ղեկավար Ռուբեն Միրզախանյանին շնորհվեց Ա. Ս. Պուշկինի անվան ռուսաց լեզվի ինստիտուտի պատվավոր պրոֆեսորի կոչում:

«Շատ հաճելի է, որ ՀՀ ՊՄՄ-ն՝ ի թիվս այլ ռազմավարական ուղղությունների, կարևորություն է տալիս ռուսաց լեզվի դասավանդման որակի բարձրացմանը: Մանկավարժական համալսարանները մեր կարևորագույն գործընկերներից են. հենց այդ կրթական հաստատությունների շնորհիվ է, որ ռուսաց լեզուն ներթափանցում է դպրոց», -ասաց Մարգարիտա Ռուսեցկայան:

Մանկավարժական համալսարանի ղեկավար Ռուբեն Միրզախանյանն էլ իր շնորհակալական խոսքում ընդգծեց, որ Ա. Ս. Պուշկինի անվան ռուսաց լեզվի ինստիտուտը Ռուսաստանի Դաշնության լավագույն հունանիտար բուհերից մեկն է՝ հավելելով. «Այն մալ ռուսերենի՝ որպես օտար լեզվի դասավանդման առաջատարներից է. այդ տեսանկյունից կառույցը մեծ դեր կարող է ունենալ միջպետական համագործակցության հարցերում»:



## «Լավագույն ուսանող» ամենամյա մրցանակաբաշխություն



Իր Լիլիթ Ղալեջյանը դարձավ բուհի «Տարվա լավագույն ուսանող»-ը: Միջոցառմանը ներկա էին ՀՀ ԱԺ պատգամավոր, ՀԵՀ հոգաբարձուների խորհրդի համակարգող Կարեն Ավագյանը, ՀՀ ՊՄՄ-ի դասախոսներ և ուսանողներ:

Բուհի տասը ֆակուլտետներից նախապես ընտրվել էին լավագույն ուսանողները, որոնք պարզատարվեցին տոնական ցերեկույթի ընթացքում, իսկ Մանկավարժական համալսարանի 2017 թվականի լավագույն ուսանողը կմեկնի Մոսկոն:

Խ. Աբովյանի անվան հայկական պետական մանկավարժական համալսարանի «Լավագույն ուսանող» մրցանակաբաշխությունը կազմակերպել էին Հայաստանի երիտասարդական հիմնադրամը և բուհի ուսանողական խորհուրդը:

ՀԵՀ հոգաբարձուների խորհրդի համակարգող, ՀՀ ԱԺ պատգամավոր Կարեն Ավագյանը շնորհավորեց ուսանողներին ուսանողության համաշխարհային օրվա առիթով և նշեց. «Երիտասարդությունից պահանջը եղել և մնում է նույնը՝ թարմություն, նոր գաղափարներ, նոր դեմքեր, և այդ ամենը խարսխված հայրենասիրությամբ ու պետականաշինությամբ: Ամեն տեղ էլ լավագույններ լինում են. լավագույններ պետք է լինեն մալ ուսանողության մեջ: Այդ մարդիկ նրանք են, որոնք մի փոքր ավելի շատ ջանք են թափում, մի քիչ ավելի նպատակասլաց են, և արդյունքները շոշափելի են՝ այսօր լավագույն են բուհում, վաղը լավագույնը կլինեն աշխատավայրում և այդպես շարունակ, մինչև մեր հանրապետությունը կներկայացնեն տարբեր հարթակներում»:



Բուհի լավագույն ուսանող Լիլիթ Ղալեջյանն էլ շնորհակալություն հայտնեց անաչառ վերաբերմունքի համար և մալ այն մարդկանց, որոնք աջակցել են իրեն: Հավելեմք, որ տոնական միջոցառումն այս անգամ խորհրդանշական էր, քանզի բուհը նշում է իր 95-ամյակը:

Տոնական ցերեկույթն ուղեկցվեց հայկական էստրադայի ներկայացուցիչների ելույթներով: Արսեն Սաֆարյանը, Սոֆի Մխչյանը, Լեյլա Սարիբեկյանը, Արսեն Գրիգորյանը (Մրո), Սևակ Խամադյանը, Սոնա Շահգեղյանն իրենց կատարումներով շնորհավորեցին երիտասարդներին և օրը առավել տոնական դարձրին:



# ԻՄ ՄԱՆԿԱՎԱՐԺԱԿԱՆԸ


Ռազմիկ ԴԱՎՈՅԱՆ.

Բանաստեղծ, ԳՊՄԴ 1964 թ. շրջանավարտ

## ...ԵՎ ՄԱՆԿԱՎԱՐԺԱԿԱՆ ԻՆՍՏԻՏՈՒՏԸ ՀԵՔԻԱԹ ԴԱՐՁԱՎ ԻՆՁ ՀԱՄԱՐ

Հիմա հետադարձ հայացքով նայում եմ ու հասկանում, որ Մանկավարժական ինստիտուտում սովորելու տարիները կյանքիս լավագույն շրջաններից մեկն է եղել: Այն ժամանակ խաչատուր Աբովյանի անվան մանկավարժական ինստիտուտը հնգամյա ուսուցմամբ էր: Ես ընդունվեցի Պատմալեզվագրական ֆակուլտետի, որը տալիս էր երեք մասնագիտություն: Այստեղ ուսանելու համար ես պարտական եմ հրաշալի լեզվաբան Վաղարշակ Քոչարյանին:

...Նոր էի ավարտել Լենինականի բժշկական ուսումնարանը, փաստաթղթերի փաթեթը թևիս տակ, նստեցի բանվորական գնացք՝ էլեկտրիչկա, և 6 ժամում Լենինականից հասա Երևան՝ գործերս հանձնելու Երևանի պետական համալսարան: Մայրս 13 զավակ է ունեցել, ես 13-րդն էի, և նրանցից միայն ես բարձրագույն կրթություն ստացա, մյուսները զնացին իրենց ճանապարհով... Դեռ էն զլխից երևում էր, որ ես բանաստեղծական հակումներ ունեմ... Ու քանի որ առավոտյան ժամը 6-ն էր, համալսարանի դռները փակ էին, ես Աբովյանով իջա հրապարակի ցայտադրյունների մոտ: Դիմացս մի մարդ դուրս եկավ, ով ճանաչեց ինձ և հարցրեց. «Դու Դավոյեց Լուսինի տղա՞ն ես...»: Այդ մարդը Վաղարշակ Քոչարյանն էր. նա ծնունդով Սպիտակի Մեծ Պարնի գյուղից էր. մենք համագյուղացի-եր էինք: Երբ իմացավ, որ ուզում եմ ընդունվել Երևանի պետական համալսարան, ասաց. «Ի՛նչ համալսարան, մեր ազգային գիտության ամբողջ հրաշալի կազմը Մանկավարժականում է, գործերը



կերես Մանկավարժական... Դու պետք է վստահես ինձ և գործերդ բերես Մանկավարժական... »:

Դա 1958 թվականին էր: Քննությունները հանձնեցի, բայց այնպես ստացեց, որ ես և մի տղա՝ Կառլեն Հակոբյան անունով, ով բանաստեղծություններ էր գրում, հայտնվեցինք պայմանական ընդունելության տակ: Մենք՝ դիմորդներս, այդ ընթացքում Թոխմախ գյուղի մոտ զանվոդ հանրակացարանում էինք ապրում, փայտօղջիների ընկերակցությամբ, և արդեն որոշ չափով ծանոթացել էինք մեկմեկու: Սեզնից մեկը պիտի ընդունվեր, իսկ այդ տղան արդեն երրորդ տարին էր դուրս էր մնում ընդունելությունից: Բացի այդ, նրա համար նամակ-ե-

րաշխավորագիր էր գրել Ավետիք Իսահակյանը: Ես որոշեցի այդ տեղը թողնել Կառլենի և հաջորդ տարի մորից մասնակցել ընդունելության քննություններին: Վերադարձա Լենինական և երեք խոշոր գործարաններում աշխատեցի որպես սանիտարական հսկիչ:

Հաջորդ տարի ես բարձր միջերով հանձնեցի քննությունները և ընդունվեցի Մանկավարժական ինստիտուտի Պատմալեզվագրական ֆակուլտետ:

Այսօրվա պես հիշում եմ՝ Ջավեն Գրիգորյան կար, պատմաբան, հետազայում կենտրոնի քարտուղար, նրա մասին ասում էին, որ դաժան մարդ է և ազգասեր չի... արևմտահայերենը նա համարել էր հայոց լեզվի բարբառ... Նա պատմության քննության հանձնաժողովի նախագահն էր: Պատմություն առարկայի քննությանը ես նստած բանաստեղծություն էի գրում, փոխանակ պատմության հարցերի վերաբերյալ նշումներ անեի, և Ջավեն Գրիգորյանը նկատել էր... Նա մոտեցավ ինձ, գրածս վերցրեց ու զնայեց: Երբ պատասխանելու իմ հերթը հասավ, նա բարձրաձայն կարոզաց գրածս բանաստեղծությունը և ասաց՝ ապրես, գերագանց:

Եվ այսպես, 1959 թվականին ես ընդունվեցի բուհ և Մանկավարժական ինստիտուտը հեքիաթ դարձավ ինձ համար: Տիտաններ էին բոլոր նրանք, ովքեր մեզ դասախոսում էին: Մեր կուրսում 52 հոգի էինք, բոլորը գրում էին դասախոսությունները, ես չէի գրում, միայն լսում էի...

Ակադեմիկոս Մորուս Հասրաթյան. զգալի էր մի քանի մասնագիտությունների գծով բնագիտություն, պատմություն,

բանասիրություն... Առաքել Առաքելյան հայոց մշակույթի պատմություն, Վարդգես Համազասպյան, հայ ժողովրդի պատմության, հայ գրականության մասնագետներ՝ Արշալույս Բաբայան, Վաչե Պարտիզունի, Եղիշե Պետրոսյան, պատմություն՝ Արտաշես Պողոսյան, օտար լեզուներ՝ Ռաֆայել Տարոնացի, ֆրանսագետ, 10 տարի ապրել էր Փարիզում, ռուսաց լեզու՝ Սուսաննա Պետրովնա, լեզվաբաններ՝ Աշոտ Աբրահամյան, ով ոսկեդարյան ձեռագրերը անգիր գիտեր, Աճառյանի անձնական գրադարանում էր սովորել, նրա մոտ կրթություն ստացել, Վաղարշակ Քոչարյան, Արարատ Ղարիբյան, Էդվարդ Աղայան, հայ հին գրականության մասնագետ Աշոտ Սկրտչյան, Պետրոս Բեդիրյան... Ամերկակայելի էր նրանց լսել, նրանք իմաստության շտեմարաններ էին: Մի խոսքով ամբողջ կրթական դաշտը լցված էր տիտաններով... Հրաշալի տարիներ էին:

Պարույր Սևակը գրել էր «Անլուելի զանգակատուն» պոեմը և եկել էր մանկավարժականի ուսանողների հետ հանդիպման: 1959 թվականին էր, ես առաջին կուրսի ուսանող էի, և ինձ ասել էին, որ պոեմի մասին խոսեմ... Սևակը տպավորվել էր իմ ելույթից: Հետագայում, երբ Վիգեն Խեչոյանի մոտ տեսել էր իմ ձեռագրերը, որ հրատարակության էր պատրաստվում, կարոզացել էր և ասել՝ այս գիրքը ես պետք է խմբագրեմ: Դա իմ առաջին «Իմ աշխարհը» գիրքն էր...

Հրանտ Մաթևոսյանն ինձնից հինգ տարով մեծ էր, թեև մեկ տարվա տարբերությամբ ավարտեցինք: 40 տարի ընկերություն արինք: Շատ ջերմ ընկերություն էր, և մենք հպարտանում էինք դրա համար...

Մեր կուրսը իսկապես շատ լավն էր, շատերը հետագայում զբաղվեցին գիտությամբ, աղջիկների մեծ մասն էլ մանկավարժական գործունեություն ծավալեց:

Ուսանողությունն էլ եղել է, կա ու կլինի ուսմանը մատների արանքով նայող կամ ուսման իսկական հարզը իմացող երիտասարդների մի զանգված...



## Ցուցահանդես՝ համալսարանի 95-ամյակին

Մանկավարժական համալսարանի 95-ամյակի առթիվ ռեկտորատի մասնաշենքի երկրորդ հարկի սրահում բացվեց բուհի աշխատողների ստեղծագործությունների ցուցահանդեսը: Թանգարանի նախածեղնությամբ բացված ցուցահանդեսը բազմաբնույթ աշխատանքների հետաքրքիր ցուցադրություն էր, ուր արդեն հայտնի ու ճանաչված ստեղծագործողների կողքին ներկայացվել էին նաև նոր անուններ: Գեղանկարչական ու լուսանկարչական ստեղծագործությունների շարքը լրացնում էին գրքեր, բառիկա, կիրառական ու դեկորատիվ ոճի տարբեր աշխատանքներ:

ԳՊՄԴ գիտական աշխատանքների գծով պրոռեկտոր Սրբուհի Գևորգյանը ներկայաներին շնորհավորեց տոնական օրվա առթիվ և արժևորեց ցուցահանդեսը՝ որպես գեղարվեստական ճաշակի դրսևորման ու դաստիարակման ուրույն ձև: Նա բուհի 95-ամյա տարեգրության մեջ կարևորեց նաև համալսարանի թանգարանի 5-ամյակը, իսկ բուհի աշխատակիցներին մաղթեց ստեղծագործական նոր վերելքներ:

Ցուցահանդեսի բացման առթիվ ելույթ ունեցավ նաև համալսարանի Գեղարվեստական կրթության ֆակուլ-

տեի դեկան, արվեստագիտության դոկտոր Արա Հակոբյանը. «Ուրախ եմ, որ համալսարանի այս տարածքը դարձել է մարդու գեղագիտական ճաշակը բարձրացնելու ուրույն հարթակ: Հուսով եմ, որ այն կլինի շարունակական»:

Թանգարանի տնօրեն Ավվարդ Գրիգորյանը հպարտ է, որ համալսարանում կա Գեղարվեստական կրթության ֆակուլտետ, որը ճաշակ է ձևավորում և նպաստում ման ցուցադրությունների կազմակերպմանը:

Պրոռեկտորը ցուցահանդեսը բաց դաս համարեց, քանի որ 95 տարի առաջ այս օրը հնչեց Մանկավարժականի մուտքն ազդարարող առաջին զանգը, և հորդորեց հարցեր ուղղել ստեղծագործությունների հեղինակներին:

Մանկավարժական գիտությունների դոկտոր, ամբիոնի վարիչ Անուշ Եղիազարյանը ներկայացրեց դիզայնի և դեկորատիվ-կիրառական արվեստի ամբիոնի աշխատանքները: Ներկայացված էին փայտի գեղարվեստական փորագրություն, խեցեգործական, դիզայնական եռապատկեր, բառիկա, գրքերնային աշխատանքներ: Ա. Եղիազարյանի հեղինակային «Ամհատուն շրթա»

կոչվող գրքերն աշխատանքն արված էր նորարական բարդ տեխնիկայով, ծավալային մոր մեկնաբանությամբ:

«Թեև ավարտել եմ Գեղարվեստի ակադեմիան, աշխատանքային կենսագրությունս կապված է Մանկավարժական համալսարանի հետ: Համալսարանը իմ կյանքն է, կյանքիս լավագույն տարիները կապված են այս բուհի հետ, առանց որի չեմ պատկերացնում իմ գործունեությունը»,-ասաց Ա. Եղիազարյանը:

Մանկավարժական համալսարանի դասախոս, Հայաստանի դիզայներների միության անդամ Գայանե Եղիազարյանի «Ջրահարս» բառիկ աշխատանքը հեղինակի մեկնաբանությամբ բազմաշերտ ասելիք ունի: Այն ծովից ծով Հայաստանն է՝ հայ կնոջ կերպարով, նրա ներքին և արտաքին ներդաշնակությամբ ու հմայքով:

Տոնական օրվա տպավորություններն ամբողջացնող Լենա Ներսիսյանի, Նիկոլ Աղաբաբյանի, Ֆայեմբերգ Սարգսյանի, Ժաննա Խաչատրյանի, ուսանող Հայկ Մանուկյանի և մյուս ստեղծագործողների աշխատանքները երկար կմնան ներկայաների հիշողության մեջ:



# ԻՄ ՄԱՆԿԱՎԱՐԺԱԿԱՆԸ

ԶՈՒԼԻԵՏԱ  
ԳՅՈՒԼԱՄԻՐՅԱՆ

*Մանկավարժական գիտությունների դոկտոր, Ա. Տեր-Գրիգորյանի անվան մայրենիի և նրա դասավանդման ամբիոնի վարիչ, 1968-1969 ուստարվա շրջանավարտ, Մանկավարժական ինստիտուտի առաջին Լենինյան թոշակառու*



Հարազատ համալսարանի գրեթե մեկդարյա պատմության յուրաքանչյուր էջի հետ կապված են ավելի քան հիսունամյա իմ հիշողությունները: Դրանք ինձ համար բարձրարժեք են՝ հաճախ հիշարժան, երբեմն խոտորումներով ու դժվարին, հաղթանակներով ու ձեռքբերումներով առատ: Մանկավարժական ինստիտուտի կամարների ներքո են ձևավորվել իմ մասնագիտական կոմպե-

## ՆՐԱՆՁ ՈՒՂԵԿՅՈՒՄ ԵՆ ԻՆՁ ԻՐԵՆՅ ԻՄԱՍՏՈՒԹՅԱՄԲ

տեմցիաները, անձնային որակներն ու արժեհամակարգի բուրձր-բուրձր բաղադրիչները: Պիտի խոստովանեմ, որ այս հիսունամյա ճանապարհին մշտապես ունեցել եմ մասնագիտական կայուն համոզմունքներ, մանկավարժական անբեր սկզբունքներ, որոնց հավատարիմ եմ մինչև այսօր:

Այդ ուղին ես անցել եմ այն հրաշալի մանկավարժական կոլեկտիվի հետ, որի հետ կատարել եմ իմ առաջին քայլերն ու երախտագիտությամբ են հիշում այսօր: Ես խոնարհվում եմ նրանց հիշատակի առջև, նրանք անուն առ անուն ինձ հետ են իրենց իմաստությամբ, նրանց մասնագիտական և մարդկային արժեքներն առ այսօր ուղեկցում են ինձ:

Իմ ուսանողական տարիներն անցել են բուռն ու ստեղծագործական ծանրաբեռնվածությամբ, աշխույժ գիտական պրակտիկաներով: Եղել են նաև զավեշտով, հուճկով լի պահեր, որոնք ես հիշում եմ առ այսօր ու դարձյալ բարձր գնահատում իմ համալսարանն ու նրա վաստակաշատ կոլեկտիվին:

Իմ դասախոսները՝ ազնիվ ու պահանջկոտ Անժել Քյուրբջյանը, հմայիչ Ավագ Խաչատրյանը, բժախնդիր ու ջանասեր Աշոտ Տեր-Գրիգորյանը, խստապահանջ ու հուճկով կառնել Միրզախանյանը, արվեստի երկրպագու Ռուբեն Զարյանը, ուսանողակենտրոն ու կանացի Գոհար Երիցյանը, քայլող հանրագիտարաններ Արշալույս Բաբայանն ու Աշոտ Աբրահամյանը, բարեհամբույր ու մշտաժպիտ Տելենակ Վարդումյանը... և էլի շատերը իմ հիշողության պայծառ ու լուսավոր էջերն են:

Ընդարձակ է այս շարքը՝ ազնիվ մվիրայներ, որոնք անմնացորդ ու բացառիկ պատասխանատվությամբ էին աշխատում մեզ հետ, եզակի ու անկրկնելի մեծություններ, որոնց համար ուսանողը բարձրարժեք էր: Խոնարհվում եմ նրանց հիշատակի առջև:

Շնորհակալություն իմ համալսարանին, այսօրվա իմ գործընկերներին, որոնք շարունակում են մեր օջախի կենսագրությունը:

## ՕԼԻՄՊԻԱԴԱՅԻ ՄԵԿՆԱՐԿԸ

Հոկտեմբերի 30-ին տեղի ունեցավ ՀՀ և մայիսյան հերոսամարտերի 100-ամյակին նվիրված մանկավարժական համահամալսարանական օլիմպիադայի 1-ին փուլը, որին մասնակցում էին տարբեր ֆակուլտետներից շուրջ 60 ուսանողներ:



Օլիմպիադան նախաձեռնել էին ՀՀ-ի մասնագիտական կրթության և կիրառական մանկավարժության ամբիոնը և ՀՀ-ի մանկության հիմնախնդիրները ուսումնասիրող լաբորատորիան, իսկ կազմակերպիչներն էին Մասնագիտական կրթության և կիրառական մանկավարժության ամբիոնի դոցենտ, մ.գ.թ. Գայանե Աղուզումյանը և ասիստենտ, մ.գ.թ. Նաիրա Մարտիրոսյանը:

Օլիմպիադայի նպատակն էր՝ նպաստել բակալավրիատի ուսանողների և մագիստրոսների մանկավարժական գիտելիքների ամրապնդմանը, մանկավարժական պրակտիկ գործունեություն ծավալելու կարողությունների և հմտությունների ձեռք բերմանն ու խորացմանը, մանկավարժական մտածելակերպի ձևավորմանը:

Օլիմպիադայի 1-ին փուլում մասնակիցներին տրվեց 20 հարցից բաղկացած թեստ: 80 միավոր հավաքած մասնակիցները կանցնեն հաջորդ փուլ:

Բակալավրիատի ուսանողների համար թեստի հարցերն ու առաջադրանքներն ընդգրկում են մանկավարժության հետևյալ բնագավառները. տեսական մանկավարժություն, գործնական մանկավարժություն, կրթության և մանկավարժական մտքի պատմություն, արտադասարանական-արտադպրոցական դաստիարակություն, առողջ ապրելակերպ, ընտանեկան դաստիարակություն, հատուկ, նախադպրոցական կրթություն:

Օլիմպիադայի 2-րդ փուլում մասնակիցները կլուծեն մանկավարժական տարբեր իրավիճակներ և կտան իրավիճակի լուծման առնվազն երեք տարբերակ, իսկ 3-րդ փուլում մասնակիցներին կտրվի առաջադրանք՝ առանձնացնել մանկավարժության արդի որևէ հիմնախնդիր, հիմնավորել այդ հիմնախնդրի արդիականությունը և հիմնախնդրի լուծման առաջարկով դիմել ՀՀ ԿԳՆ նախարարին:

Օլիմպիադայի աշխատանքները կամփոփվեն դեկտեմբերի վերջին, իսկ լավագույն մասնակիցները կխորհրդակցեն:

## Հովհաննես ՊԱՊԻԿՅԱՆ Գրող, հրապարակախոս 1969թ. շրջանավարտ **ՁԵՐ ՁԱՅՆԸ ՀԱՎԵՐԺ ԼՍԵԼԻ**

### Մտաբերումներ Մանկավարժական համալսարանի շենքի մոտ

Ծննդատան կողքով անցնելիս, մարդը երբեք է մայրում է նրա պատուհաններին, որտեղ իր առաջին ճիչն է արտաբերել՝ որպես այս աշխարհին ասվող իր ողջույնն ու բարի մուտքը: Կարծում եմ մայրում է, եթե դա այն ծննդատունն է, որտեղ ինքն է ծնվել: Ես այդ զգացողությունն եմ արթուն Մանկավարժական համալսարանի շենքի մոտ, որտեղ ինձ ինքնուրույն կյանքի ուղի ցույց տվեցին իմ սիրելի դասախոսները:



Այստեղ իմ դասախոսներն էին ու եմ, ովքեր մտով ու հոգով լուսավոր այրեր էին ու եմ, ովքեր դիմորդի՝ եւ հետո նաեւ ուսանողի մեջ տեսնում էին անցյալը, ներկան ու ապառնին, հասկանում էին ժամանակի պահանջի պատմական արժեքը, եւ նրանց վարմունքը շենքող էր, հոգեզմայլ, ջերմ ու սրտալի:

Ահավասիկ, Պետրոս Բեդիրյանը, ով Կիպրոսի Մելքոնյան հայտնի վարժարանի սան է եղել, եւ այսօր էլ նրա գրքերի շնորհիվ Մանկավարժական համալսարանում շարունակում է հնչել հայոց ոսկեդարի մայրենին: Նրա մասին իմ առաջին ակնարկը գրեցի, երբ առաջին կուրսի ուսանող էի: Ամբաստանի եմ մարդկային ուրակները, որոնցով մեկը կարող է չափազանց շռայլորեն օժտված լինել, երբ ընդունելության քննության գրավոր ազատ թեմա շարադրությունը ստուգելիս ոչ թե միայն տառասխալներն է մայրում ու չի շտապում դրան համապատասխան թվանշան նշանակել, այլեւ դիմորդի գրածի բովանդակության մեջ է խորանում ու թե այնտեղ խոր իմաստ է գտնում, ուրեմն այդ դիմորդի մեջ տեսնում է ապագա լրագրողին: Մարդկային այդ որակների տեղն է, որ կարող է տառասխալների մեջ տեսնել Ախալցխայի գյուղերից եկած այն պատանուն, ով բարբառի՝ ազդեցության տակ է իր գեղեցիկ շարադրանքում տառասխալներ թողել: Ասել է՝ դրանք ուսանելու ընթացքում արագ վերացման ենթակա են, եւ ազատ թեմայի շարադրանքն ինքնին մի հիմնավոր այցեքարտ է՝ նրան ԲՈՒՀ-ի դռներից ներս թողնելու: Եվ Բեդիրյանն այդ անձանոթ պատանու համար երկար վեճ ունեցավ դեկամատուն ու... հաղթեց: Այդ դիմորդը ես էի:

չեմ հասցրել լրջագույնս ներկայացնել ձեզ: Մանավանդ մեր հատուկ կուրսի դասախոս երանելի Արշալույս Բաբայանին, ով Բակունցին այնպես էր ներկայացնում, որ հետո, արդեն ակնարկ էի գրում, այդ թավուտ անտառներում ո՛չ միայն բակունցյան հետքեր էի որոնում, այլեւ փորձում էի սիրելի Բաբայանի նկատմամբ Պանինին գտնել: Այնտեղ ես Բաբայանի ձայնն էի լսում. «Պանին մի փնտրիր, դու կրկին դարձիր Բակունցի գրքերին, եւ կգտնես Անտառի Աստված Պանին, ու կիմանաս, թե ինչու է Բակունցի հերոսը Պանին կոչվում»:

Կարլեն Միրզախանյանն է մտորումներն իմ մեջ, ով պատմության հրաշալի դասավանդումից գատ, մանկավարժականում կուլտուրայի ֆակուլտետ ստեղծեց, ուր կինոյի եւ մշակույթի հրաշալի դասախոսներ հրավիրեց՝ որպես անգնահատելի նվեր ուսանողներին, եւ արդյունքում մինչեւ հիմա մենք վայելում ենք այդ ֆակուլտետի շրջանավարտների հյուսած գորգի գեղեցկությունը, որ կոչվում է Մայրանի անվան կինոդերասանի թատրոն-ստուդիա:

Իմ ունկերում Ռուբեն Զարյանի մեղմ ձայնն է՝ արվեստի երեւելիներին բաց ափի պարզությամբ ներկայացնող: Տելենակ Վարդումյանն ու Սեդա Միրզոյանն են, Անժելա Քյուրբջյանն ու Գոհար Երիցյանը, Ավագ Խաչատրյանն ու Աշոտ Մարտիրոսյանը...

Ավարտելուց հետո երբ մանկավարժականի «Մանկավարժ» թերթի պատասխանատու քարտուղարն էի, ԲՈՒՀ-ն ինձ համար կանաչ լույս վառեց դեպի լրագրության հետաքրքիր աշխարհի տանող ճանապարհին: Այդ ճանապարհի ամեն հատվածում, ամեն խաչմերուկում, հեքիաթի այն բարի ծերունու նման, ինձ շարունակում են խրատել իմ դասախոսները, ում ես երբեք նախկին չեմ կարող ասել-նրանք մշտապես իմ կողքին են, ու ես՝ շարունակում եմ նրանց սանը մնալ:

Օրինյալ լինեք դուք՝ վաստակի ծիրանին այնքա՛ն սազական է ձեր ուսերին:

### ԻՄ ՄԱՆԿԱՎԱՐԺԱԿԱՆԸ



Հասմիկ ԿԱՐԱՊԵՏՅԱՆ  
Երևանի «Ավետիք Իսահակյանի անվան Կենտրոնական գրադարան» ՀՊԱԿ-ի տնօրեն, ՀՀ մշակույթի վաստակավոր գործիչ, ՀՊՄՀ 1983 թվականի շրջանավարտ

## ԱՊԱԳԱՅԻ ՏԵՍԼԱԿԱՆՈՎ

Այսօր արդեն պատկառելի տարիքի հասած մեր սիրելի մանկավարժականը բուռն օրեր է ապրում՝ նշելով իր 95-ամյա տարեդարձը: Չկա մի հայ մարդ, որն իր կյանքում զոհնե մեկ անգամ որևէ առիթով առնչված չլինի այս հաստատության հետ...

Խ. Աբովյանի անվան հայկական պետական մանկավարժական համալսարանն իր գործունեության մոտ մեկդարյա պատմությամբ կրթել, դաստիարակել և կյանք է ճանապարհել բազում սերունդների, որոնք իրենց մանկավարժական ու մշակութային գործունեությամբ նոր խոսք են ասել գիտության տարբեր բնագավառներին, ինչպես նաև մանկավարժության բազմաշերտ աշխարհում: Նրանք իրենց հուսալի ուսերին վերցրել ու տանում են ապագայի իրենց տեսլականը, այն կյանքի կոչելու դժվարին, բայց պատասխանատու աշխատանքը: Իր շրջադարձային իրադարձություններով հարուստ պատմության քառուղիներում Խ. Աբովյանի անվան կրթօջախում համալսարանական մկրտություն են ստացել բազմաթիվ ակադեմիկոսներ և հասարակական գործիչներ, բազմաթիվ ու նվիրյալ մանկավարժներ, մշակույթի հայտնի դեմքեր, նշանավոր երևելի այլ անձինք...

Սակայն այս ամենը չէր լինի, եթե գիտակրթական կարևոր այս գործը չզվաճակներին ու առաջ չտանեին իրենց կոչմանը հավատարիմ, իրենց ամենօրյա աշխատանքն արժևորող և այն իրագործող, գիտակ ու հմուտ մանկավարժները, պրոֆեսորադասախոսական ողջ անձնակազմը, որոնց շնորհիվ էլ մեր սիրելի մանկավարժականը համարվում է հանրապետության լավագույն բուհերից մեկը:

Ինչպես Հայաստանի բոլոր դպրոցները, մանկապարտեզները, կրթական, գիտական և մշակութային շատ հիմնարկներն ու հաստատությունները, այնպես էլ Երևանի Ավ. Իսահակյանի անվան կենտրոնական գրադարանը մշտապես վայելել է Խ. Աբովյանի բարձր անունը կրող հայկական պետական մանկավարժական համալսարանի հետ բարեկամության արգասաբեր պտուղները, նրա կողմից պատրաստած և գրադարան ճանապարհած գիտակ ու խելացի մասնագետների հետ աշխատելու հաճույքը:

Ամեն տարի գրադարանում գործնական աշխատանքի փորձ են անցնում Խ.Աբովյանի անվան մանկավարժական համալսարանի Կուլտուրայի ֆակուլտետի գրադարանային բաժնի ուսանողները: Նրանք դուրս չեն մնում բուհի երբեմնի շրջանավարտ փորձառու գրադարանավարների ուշադրությունից, իսկ նրանցից շատերին հնարավորություն է տրվում աշխատելու մեր գրադարանում, որտեղ աշխատանքն ունի նաև մանկավարժական բնույթ. մենք շարունակում ենք կրթական գործընթացը... Մեզ համար մեծ պատիվ է շարունակել ձեր անգնահատելի գործը՝ կյանքի կոչելով այն գիտելիքներն ու փորձը, որ բուհն անընդմեջ ու ջանասիրաբար փոխանցում է իր սաներին՝ Հայաստանի ապագան կերտողներին... Եվ բոլորովին էլ պատահական չէ, որ «Ավ. Իսահակյանի անվան Կենտրոնական գրադարան» ՀՊԱԿ-ի 134 գրադարանային աշխատակիցներից 56-ը Աբովյանցիներ են, մեր հարազատ բուհի շրջանավարտներ:

Ուստի, թույլ տվեք բոլոր իսահակյանցիների անունից, մեծագույն երախտագիտությամբ ու ջերմորեն, շնորհավորել մեզ կրթած, դաստիարակած, աշխատանքի ու կյանքի դժվարություններին դիմակայելու համար թրժած մեր սիրելի ու հարազատ բուհի ծննդյան 95-ամյա հոբելյանը: Մաղթում են նորանոր աշխատանքային, գիտական, մշակութային բարձունքների նվաճում, հետագա բազում հաջողություններ...

- **Լիլիթ, ինչպե՞ս որոշեցիր ընտրել մանկավարժի մասնագիտությունը:**

- Մանկավարժությունը գեներով է փոխանցվել ինձ, մայրս ևս մանկավարժ է: Դեռ մանկուց սեր ունեի մանկավարժության հանդեպ, միշտ ցանկացել եմ դառնալ մանկավարժ, և երբ եկավ որոշում կայացնելու ժամանակը, ես ընտրեցի այդ մասնագիտությունը:

- **Ի՞նչ է քեզ համար համալսարանի լավագույն ուսանող լինելը:**

- Դա նախ և առաջ շատ մեծ պատասխանատվություն է: Սակայն, կարծում եմ, որ իմ հարազատ բուհի կողմից գնահատվեց այս տարիներին իմ կատարած աշխատանքն ու ջանքերը: Շատ հաճելի էր դառնալ լավագույն ուսանող: Լավագույն լինելը առավել պարտավորեցնում է, քանզի դու ներկայացնում ես համալսարանի ուսանողությանը: Վստահ եմ, որ ավելի մեծ ջանք ու եռանդ կներդնեմ նոր բարձունքների հասնելու համար:

- **Ի՞նչ ես կարծում՝ մյուս 9 մրցակիցներն արժանի՞ չէին լավագույնի կոչմանը:**

- Իհարկե, ներկայացված բոլոր ուսանողներն էլ արժանի էին կրելու ՀՊՄՀ -ի լավագույն ուսանող տիտղո-



մարդկային գծերն ու անձնային որակները պահելն է, քանզի մրցույթները և նմանատիպ ձեռնարկները անցողիկ են և մնայուն արժեք չեն, իսկ մարդկային բարձր որակներն ու արժանիքները մնայուն են և հաջողության հասնելու համար անհրաժեշտ են ողջ կյանքի ընթացքում:

- **Ի՞նչ պետք է անել յուրաքանչյուր ոլորտում լավագույնը լինելու համար:**

- Պետք է միշտ գնալ երազանքների հետևից, լինել նպատակասլաց և նպատակին հասնելու համար քայլեր իրականացնել համբերատար, առանց շտապելու: Նպատակիդ հասնելու համար կարևոր է նաև կատարած աշխատանքիդ գնահատումը. այդ դեպքում ավելի ես ոգևորվում ու մոտիվացվում: Ես ամեն ոլորտում փորձում եմ լինել լավագույնը:

- **Արդյո՞ք բուհից սպասվելիք ակնկալիքները արդարացան:**

- Հիմա կարող եմ ասել, որ այո՛, ակնկալիքներս արդարացվեցին:

Եթե մի հետին հայացք գցեմ, ապա տարիներ առաջ ուզում էի մասնակցել «Ամառային դպրոց» ծրագրին, մեկնել արտերկիր, լինել «Լավագույն ուսանող»... Կարծես թե տարիների հետ իրականանում են իմ նպատակներն ու ակնկալիքները: Ես այն երջանիկ ուսանողներից եմ, որ ունեն շատ լավ, բանի-

## ՊԵՏՔ Է ՄԻՇՏ ԳՆԱԿ ԵՐԱԶԱՆՔՆԵՐԻ ԸՆՏԵՎԻՑ

սը: Բայց միգուցե ես մի փոքր առավել էի աչքի ընկել իմ գործունեությամբ, և այդպես որոշեց համալսարանի ուսանողական խորհուրդը:

- **Ի՞նչ հասարակական գործունեությամբ ես զբաղվում:**

- Ուսանողական տարիներից սկսած միշտ ակտիվորեն մասնակցել և շարունակում եմ մասնակցել հասարակական տարբեր ձեռնարկների իրականացմանը: Ուսանողական խորհրդի և համալսարանի գիտական խորհրդի անդամ եմ, մասնակցել եմ բուհի «Ամառային դպրոց» ծրագրին: Իմ ուժերն եմ փորձում նաև գիտական ոլորտում. այժմ աշխատում եմ Օրգանական քիմիայի ինստիտուտում՝ որպես գիտաշխատող: Գիտահետազոտական աշխատանքներով եմ զբաղվում և շատ եմ սիրում իմ մասնագիտությունը:

- **Ո՞րն է հաջողության քո բանաձևը:**

- Եթե խոսենք այս մրցույթից ապա այստեղ իմ հաջողությունը կախված էր սահմանված չափանիշներին համապատասխանելուց՝ հասարակական, գիտական ոլորտում ակտիվություն, բարձր առաջադիմություն, լեզուների իմացություն և այլն: Իսկ առհասարակ կյանքում հաջողության հասնելու գրավականը ամենակարևոր

մաց դասախոսներ: Չգտում եմ արժանանալ նաև անվանական կրթաթոշակի:

- **Ի՞նչը կփոխեիր բուհում:**

- Բուհն այսօր շատ է փոխվել ու զարգացել, իսկ, եթե խոսենք մեր ֆակուլտետի մասին, ապա կցանկանայի, որ դրսում ուսանելու ավելի շատ և երկարաժամկետ հնարավորություններ տրվեին, շատ լինեին մասնագիտական վերապատրաստման ծրագրեր, քանզի կարծում եմ, որ այս դարաշրջանում միայն տեղական փորձով լավ մասնագետ դժվար թե կարողանաս դառնալ, արդյունավետ կլինեիր ուսանել նաև արտերկրում: Ընդհակառակ եմ բուհին և ուսանողական խորհրդին՝ ինձ մնան կոչման արժանացնելու համար: Հավելեմ՝ հենց Մանկավարժական համալսարանի շնորհիվ է, որ իմ երազանքների մի մասն արդեն իրականացել են:

- **Ունե՞ս կարգախոս, որով առաջնորդվում ես:**

- Չգիտեմ որքան կառաջնորդվեմ այս կարգախոսով, սակայն հետևում եմ մայրիկիս խորհրդին՝ միշտ պայքարել, եթե անգամ հույսը նշմարելի չէ, չկտրվել ու շարունակել պայքարել, քանզի կյանքն ինքնին պայքար է: **Հարցազրույցը՝ Սոնա ԱՐԱՄՅԱՆԻ**

Հոկտեմբերի 30-ին Սկզբնական կրթության ֆակուլտետի Մայրենիի և նրա դասավանդման մեթոդիկայի ամբիոնը կազմակերպել էր «Վարպետաց դաս» ուսուցիչ-աշակերտ կոնֆլիկտների առաջացման պատճառների և դրանց հաղթահարման թեմայի շուրջ: Հանդիպման հյուրն էր հոգեբանական գիտությունների թեկնածու, դոցենտ Արմեն Բեջանյանը: Հոգեբանը մանրամասն ներկայացրեց կոնֆլիկտների առաջացման պատճառները և դրանց լուծման գերակա ուղղությունները:

Քննարկմանը մասնակցում էին տարրական կրթության մանկավարժություն և մեթոդիկա մասնագիտության 3-րդ և 4-րդ կուրսերի ուսանողները, ովքեր մասնակցում են մանկավարժական պրակտիկայի և աշակերտների հետ հարաբերություններում ժամանակ առ ժամանակ ունենում են որոշակի կոնֆլիկտներ: Այդ էր պատճառը, որ թեմայի քննարկմանը նրանք մասնակցեցին հետաքրքրությամբ և ոգևորությամբ: Հանդիպումը գործնական բնույթ կրեց և անցկացվեց հարց-պատասխանի միջոցով:

Ա. Բեջանյանը ապագա մանկավարժներին հորդորեց երեխաների հետ շփման ժամանակ ուշադրություն դարձնել փոխըմբռնմանն ու փոխըմկալմանը, որը հնարավորություն կտա առավել արդյունավետ կազմակերպել ուսուցիչ-աշակերտ միջանձնային հարաբերությունները և բարելավել ուսունական գործընթացը:

«Վարպետաց դաս» ընթացակարգն ունի քննարկման մթնոլորտում, ինչն էլ առիթ հանդիսացավ հետազայում ևս նմանատիպ հանդիպումներ կազմակերպելու առաջարկի թեմայի շուրջ առավել ծավալվելու և անպատասխան հարցերը լուսաբանելու համար:

## Հերթական վարպետաց դասը





րի հանդեպ պետք է չափազանց ուշադիր լինել:

Թեպետ հաշվապահության բաժնի աշխատակազմը համալրված է միայն կանանցով, ինձ համար շատ հաճելի և դյուրին է կազմակերպել աշխատանքները նրանց միջավայրում, քանի որ նրանցից յուրաքանչյուրը հստակ գիտի իր անելիքը, սակայն կարծում եմ, որ համերաշխ կուլեկտիվ ունենալու համար կարևոր է աշխատակիցների ոչ թե սեռը, այլ մասնագիտական կարողությունները և փոխըմբռնումը:

**- Թերթի ընթերցողների համար կգաղտնագրե՞ք Ձեր մասնագիտության նրբությունները, լավ ու վատ կողմերը...**

քային փորձն է, որը տարիների ընթացքում մասնագետին դարձնում է գիտակ' այսինքն արագ և հմուտ կոմնորոշվել որևէ հանգուցային իրավիճակում:

**- Աշխատանքի ընթացքում հաճախե՞ն լինում բարդ կամ անլուծելի խնդիրներ... Ինչպե՞ս եք գտնում դրանց հանգուցալուծումը:**

- Իհարկե, հաճախակի ենք բախվում բարդ, սակայն ոչ անլուծելի խնդիրների, որոնք շատ արագ իրենց լուծումն են ստանում համապատասխան ստորաբաժանումների հետ համագործակցության շնորհիվ, առաջնորդվելով օրենքներով, ստանդարտներով, որոնք հստակ լուծում են պահանջում ոչ թե կամային, այլ օրենքի պահանջով, պարզապես պետք է այդ

**խստապահանջություն և ճշգրտություն է պահանջում...Այնուամենայնիվ սխալվելու տեղ կա՞...**

- Հաշվապահի աշխատանքն, այո, խստապահանջ, պատասխանատու, հետևողականորեն կատարվող աշխատանք է, ես այն միշտ համեմատում եմ զգեստապահարանի հետ, որտեղ յուրաքանչյուր իր ունի իր հստակ տեղը: Իսկ սխալվելու հավանականությունն, իհարկե, չեմ բացառի, քանի որ սխալվում է նա, ով աշխատում է...

**- Մարդկային ի՞նչ հատկանիշներով կընթացադրեք Ձեզ, դրանցից որո՞նք են հատկապես օգնում աշխատանքի՞ ճիշտ կազմակերպմանը:**

- Ինձ երևի իմ աշխատակիցներն ավելի հստակ կընթացադրեն, այնուամենայնիվ, կարծում եմ աշխատանքների ճիշտ կազմակերպման իմ ելակետը լսելու ունակությունն է:

**- Ինչպե՞ս եք Ձեզ զգում թվերի աշխարհում: Դրանք առօրյա կյանքում չե՞ն խանգարում, Ձեզ դարձնում ավելի հաշվենկատ ու խորագին:**

- Թվերի աշխարհում ես ինքնամոռաց եմ լինում, դրանք արտաքնապես եմ միայն թվեր, իսկ իրականում դրանք ուսանողների ճակատագրեր են, հիմնական միջոցներ, արագամաշ առարկաներ, օգնություններ և այլն... Վստահ կարող եմ ասել որ դրանք կյանքում ինձ չեն խանգարում, քանի որ ի հակադրություն այն կարծիքի, թե հաշվապահները հաշվենկատ են, ես սիրում եմ այն հարաբերությունները, որտեղ փողն արժեք չունի:

**- Ձեզ և Ձեր ղեկավարած կոլեկտիվին շնորհավորում եմ Հաշվապահի միջազգային օրվա առթիվ՝ մաղթելով կանացի երջանկություն, հաճելի ու գեղեցիկ զգացողություններով լի աշխատանքային տարիներ:**

- Շնորհակալություն, ստորաբաժանման աշխատակիցներով կաշխատենք մեր նպաստը բերել 95-ամյա համալսարանի գործունեությանը:

**Ջրույցը՝ Սիլվա ԱՄՅԱՆ**

# «Ես սիրում եմ այն հարաբերությունները, որտեղ փողն արժեք չունի», - ասում է Սյուզի Հարությունյանը

Հաշվապահի միջազգային օրվա առթիվ իմ զրուցակիցն է Մանկավարժական համալսարանի գլխավոր հաշվապահ Սյուզի Հարությունյանը:

**- Հե՞տ է լինել բուհի գլխավոր հաշվապահ և ղեկավարել միայն կանանցից կազմված կոլեկտիվ:**

- Գլխավոր հաշվապահի աշխատանքը խիստ պատասխանատու է, այն մանրակրկիտ գործողությունների մի հսկայական շրջանակ է, որի հիմքում ընկած է գործառույթների բժախնդիր հերթականության պահպանումը, հետևողականությունը, մասնագիտության լիարժեք տիրապետումը, հմտությունները, որի արդյունքում միայն հնարավոր է ապահովել աշխատանքի ճշգրտությունը և ժամանակի պահպանումը:

Լինելով բուհի գլխավոր հաշվապահ, ես չեմ կարող խստապահանջ չլինել, քանի որ անզան փոքր-ինչ կարևորություն չունեցող յուրաքանչյուր թիվ ի վերջո գումար է, հետևաբար գումարներ



- Բոլոր մասնագիտություններն էլ ունեն իրենց դժվարությունները, նրբությունները, հետևաբար միայն աշխատան

անեմին տիրապետել՝ սխալներից խուսափելու համար:

**- Հաշվապահի մասնագիտությունը**

## ԼՈԳՈՊԵԴԻԱ՝ ԱՍՏՎԱԾԱԸԱԾՈ ՄԱՍՆԱԳԻՏՈՒԹՅՈՒՆ

Նոյեմբերի 14-ին աշխարհը նշում է Լոգոպեդի միջազգային օրը: Այս առիթով Մանկավարժական համալսարանի Հատուկ կրթության ֆակուլտետը կազմակերպել էր օրվան նվիրված ձեռնարկ՝ ներկայացնելու լոգոպեդական աշխատանքի խնդիրները և ամփոփելու-արժևորելու կատարված աշխատանքը:

Երիցս ճիշտ էր ֆակուլտետի դեկան Սիրանուշ Կարապետյանը, ով ներկայներին Լոգոպեդի միջազգային օրվա առթիվ շնորհավորելով՝ նաև բարձրաձայնեց. «Լոգոպեդի մասնագիտությունը աստվածահաճ ու մարդասիրական մասնագիտություն է»:

«Մենք կոչված ենք ապահովելու խոսքի զարգացումն ու վերականգնումը, խոսքը մեծագույն արժեք է, թող բոլորը կարողանան խոսել ու երբևէ չզգացվի մեր մասնագիտության անհրաժեշտությունը», - անկեղծորեն խոստովանեց դեկանը:

Լոգոպեդիայի և վերականգնողական թերապիայի ամբիոնի վարիչ, կենսաբանական գիտությունների թեկնածու, դոցենտ Տիգրան Պետրոսյանը լոգոպեդիան համարեց ոչ միայն մանկավարժական ուղղություն, այլև բժշկագիտական դիսցիպլին:

Լոգոպեդիայի երրորդ կուրսի ուսանողները տեսանկյաների միջոցով ներկայացրին դասախոս Մերի Շաբոյանի գլխավորությամբ կատարած հետազոտությունը մարդկանց իրազեկվածությամբ



յան, տեղեկացվածության մասին՝ փաստելով, որ լոգոպեդի մասնագիտությունը ներկա ժամանակների ամենամարդասիրական և ամենապահանջված մասնագիտություններից է, մասնագիտություն, որ թույլ է տալիս մշտապես ինքնակրթվել, միաժամանակ զարգացնելով մասնագի

տությունը: Ուսանողները ներկայացրին Երևանում ու մարզերում արված հարցախույզի արդյունքները. ճիշտ է, ինչ-որ տեղ մակերեսային, բայց հասարակության համար երևույթ տեսանելի դարձնող նպատակաուղղվածությամբ:

Լոգոպեդիաները լայն կիրառություն ունեն ոչ միայն մանկավարժության, այլև լոգոպեդական աշխատանքում: Դրանք կիրառելի են լոգոպեդական աշխատանքի տարբեր փուլերում և տարիքային խմբերում: Ուսանողները ներկայացրին լոգոպեդիա՝ ուղղված արտաբերական օրգանների մարզմանը:

Մ. Հերացու անվան բժշկական համալսարանում անցկացված սեմինար-քննարկման արդյունքների ներկայացման հիմքում լոգոպեդական աշխատանքի կապի կարևորումն էր բժշկության ոլորտի հետ:

«Սորս» հաշմանդամ երեխաների աջակցության կենտրոնի թիմային աշխատանքի, լոգոպեդի գործունեության ու հաճախ հանդիպող խոսքային խանգարումների մասին խոսեց ՀՀԿՍ շրջանավարտ Լիդա Ջուլիկյանը, ապա Տ. Պետրոսյանը խոսեց խոսքային խանգարումների տարածվածության մասին ամբողջ աշխարհում:

Դասախոս Արմինե Կիրակոսյանը խոսեց լոգոպեդիայի արդի խնդիրներից մեկի՝ գրավոր խոսքի խանգարումների առաջացման պատճառների ու դրանց հարթահարման զարգացումների մասին՝ ընդգծելով, որ վերջիններս բավականին տարածված են ու խոչընդոտում են գիտելիքների ձեռքբերմանը:

Ռեկտորատի մասնաշենքի երրորդ հարկի սրահում ներկայացված ցուցահանդեսն էլ լոգոպեդի աշխատանքի մեծագույն պատասխանատվության ու նվիրումի դրսևորման արտահայտությունն էր, որ ամբողջացրեց տոնի ասելիքն ու ջերմությունը:

**Սիլվա ԱՄՅԱՆ**

# Ցուցահանդես դպրոցականների մասնակցությամբ

Մանկավարժական համալսարանի Սկզբնական կրթության ֆակուլտետի սրահում նոյեմբերի 8-ին բացված ցուցահանդեսը նվիրված էր համալսարանի հիմնադրման 95-ամյակին: Այն կազմակերպվել էր Սկզբնական կրթության ֆակուլտետի ղեկավար Յեղիմեա Խաչատրյանի, մանկավարժական գիտությունների թեկնածու, դոցենտ ժաննա Խաչատրյանի նախաձեռնությամբ: «Աշնանային գույների հետքերով» խորագրով ցուցահանդեսում ներկայացվել էր տարբեր դպրոցների 1-12-րդ դասարանների աշակերտների և Սկզբնական կրթության ֆակուլտետի ուսանողների շուրջ 100 աշխատանք: դրանք հիմնականում ջրաներկով և գուաշով արված նկարներ էին:

Սկզբնական կրթության ֆակուլտետի կերպարվեստի դասավանդման մեթոդիկայի առարկայի շրջանակներում կազմակերպված զեղարվեստական տեղծագործությունների ցուցահանդեսին ներկայացված նկարները նախապես ընտրվել էին: Ցուցահանդեսին ներկա էին աշակերտներ, դպրոցների տնօրեններ և ուսուցիչներ, ովքեր ողջունեցին դպրոց-բուհ կապերի սերտացման մասն ձևաչափը՝ իբրև զեղարվեստական մտածողության դրսևորման ու դաստիարակության հետաքրքիր մոտեցում:



Ներկաներին ողջունեց և ցուցահանդեսի բացման առիթով շնորհավորեց ֆակուլտետի փոխղեկ Արմինե Դալլաբյանը: «Մեր բոլորի աշխատանքը միտված է մատաղ սերնդի դաստիարակությանը, դպրոց-բուհ կապի ամրապնդմանը: Համալսարանի 95-ամյակին նվիրված ցուցահանդեսը երեխաների մտածողության ու հույզերի, կերպարվեստի հանդեպ սիրո արտացոլումն է: Ուրախ ենք ձեզ համալսարանում հյուրընկալելու համար և առաջիկայում ձեր մասնակցությամբ ակնկալում ենք նոր, առավել հետաքրքիր ձեռնարկներ»:



Ձոն Կիրակոսյանի անվան N 20 դպրոցի տնօրեն Անահիտ Խոսրովյանը խոստովանեց. «Ցուցահանդեսը նախ երեխաների մեջ սեր է արթնացնում դեպի նկարչություն առարկան, զեղագիտական ճաշակ ձևավորում: Շատ ոգևորված են հատկապես տղաները: Ցավոք, այսօր աշակերտները նախապատվությունը տալիս են բարձր տեխնոլոգիաներին, բայց նկարելը առողջ ապրելակերպի կարևոր դրսևորումներից է և, կարծում են, այն շատ անհրաժեշտ է դպրոցականներին: Իսկ ամենակարևորն այն է, որ մոռացված մի ճյուղի նորովի ուշադրություն է դարձվում»:

Նույն դպրոցի ուսուցչուհի Նառա Գևորգյանի կարծիքով մեծ ցուցահանդեսները երեխաների մեջ նկարելու, արարելու սեր ու ձգտում են առաջացնում, դաստիարակում են արժեքներ: Երեխաները սիրով են նկարում, իսկ հաճույքով կատարված աշխատանքն արդեն իսկ ձեռքբերում է:

Ցուցահանդեսն ամփոփվեց ստեղծագործությունների՝ տեսանյութի միջոցով ցուցադրումով, ապա հայտնի դարձան Երևանի 7 լավագույն և ակտիվ դպրոցները՝ հմ. 117, 20, 170, 198, 118, ՀԴՄՀ-ի ավագ դպրոց (վարժարանը), ՀԴՄՀ-ի հմ 57, որոնց տնօրեններին ու պատասխանատուներին ֆակուլտետի փոխղեկան Լուսինե Պողոսյանը ֆակուլտետի ղեկավարության անունից շնորհակալագրեր հանձնեց:

Միլվա ԱՐԱՅԱՆ



## Բրոնզե կիսանդրին գրավ իր արժանի տեղը

Օրերս Մոսկվայում, Հայրենական մեծ պատերազմի կենտրոնական թանգարանում տեղի ունեցավ խորհրդային Միության մարշալ Հովհաննես Բաղրամյանի կիսանդրու բացման արարողությունը: Կիսանդրին Հայաստանի Հանրապետության նվերն է Ռուսաստանի Դաշնությանը. խորհրդային Միության կրկնակի հերոսի 120-ամյակի կապակցությամբ: Հանդիսավոր միջոցառումը տեղի է ունեցել Հաղթանակի թանգարանի կենտրոնական սրահում՝ խորհրդային հրամանատարների պանթեոնում, որը ոգեկոչում է Մեծ հայրենականի հերոսների սիրագործությունը: Կիսանդրու հեղինակները Մանկավարժական համալսարանի կերպարվեստի ամբիոնի դոցենտ, քանդակագործ Միսաք Մելքոնյանն ու Աշոտ Թաղատյանն են:

«Մինչ քանդակը ստեղծելը, թվում էր, թե ես նրան ճանաչում եմ, ծանոթ եմ նրա իրականացրած ռազմական գործունեությանն ու հերոսությանը, սակայն ստեղծագործելիս մարշալ Բաղրամյանին ինձ համար բացահայտեցի նորովի ու յուրովի: որպես մարդ, անհատականություն և կերպար, որն ունի նուրբ հոգի, զգացմունքային է, խորն ու

խոցելի»,- ասաց Միսաք Մելքոնյանը և հավելեց, որ ստեղծագործելիս ցանկացել է վերարտադրել ոչ միայն կերպարի արտաքին նկարագրությունը, այլև նրա ներքին զեղեցկությունն ու ուժը:

Միսաք Մելքոնյանը խոստովանում է. որ ջրուցադրության ընթացքում նկատելի է, որ այցելուներն ուշադրություն էին դարձնում քանդակի հատկապես աչքերին: Նա նկատում է, որ աչքերը քանդակելիս պետք է ակադեմիական այնպիսի ճշգրտությամբ դա անել, որ քեզ նայեն կենդանի մարդու աչքեր. դա արվեստի խնդիրներից է, իսկ այս պարագայում խնդիրը լուծվել էր: Ցուցադրության ավարտին թանգարանի տնօրենը խոստովանել է՝ վերջապես մեզ մոտ է եղավ «կենդանի Բաղրամյանը», իսկ մարշալի ընտանիքի անդամներն ուղղակի հավելել են՝ քանդակն առավել քան ստացված է ու խոսում է:

Քանդակագործը խոստովանում է. հեշտ է բաժանվում իր ստեղծագործություններից, որովհետև մեծամասամբ տեսնում է, որ դրանք իրենց արժանի տեղն են գրավում:

«Ստեղծագործելիս ի սկզբանե գիտեի նպատակը, ուստի

պատասխանատվությունն էլ ավելի մեծ էր՝ երկիր էր ներկայացվելու, այն ուներ պետական նշանակություն: Այդ տեսանկյունից ներդրել եմ առավելագույն ներուժ: Յուրաքանչյուր քանդակի հետ ապրումներ եմ ունենում: Կռվի դաշտ, իրավիճակներ, դրսևորումներ, զգացմունքներ... այսպես էլ կերտվեց Բաղրամյանի կերպարն ու մարդ տեսակը»,- ամփոփեց Միսաք Մելքոնյանը:

Կիսանդրին թանգարանին է հանձնել ՀՀ պաշտպանության նախարար Վիգեն Սարգսյանը: Բացման հանդիսավոր արարողությանը մասնակցել են նաև ՌԴ պաշտպանության նախարարի տեղակալ Ալեքսանդր Ֆոմինը, ՀՀ և ՌԴ ՊՆ բարձրաստիճան ներկայացուցիչներ, ՌԴ-ում ՀՀ դեսպան Վարդան Տողանյանը, Հաղթանակի հրամանատարների հետնորդները, վետերաններ, ռուսաստանյան հասարակական, գիտական ու մշակութային ոլորտի հայտնի գործիչներ, հայ համայնքային կառույցների ներկայացուցիչներ:

Հովհաննես Բաղրամյանի բրոնզե կիսանդրու տեղադրման նախաձեռնողը ՌԴ-ում ՀՀ դեսպանությունն է:

Սոնա ԱՐԱՅԱՆ

## Ուխտագնացություն

Հայկական պետական մանկավարժական համալսարանի կրթության հոգեբանության և սոցիոլոգիայի ֆակուլտետի հոգեբանության բաժնի ուսանողները նոյեմբերի 8-ին հայոց պատմության ամբիոնի դասախոս պ.գ.թ., դոցենտ Արմինե Եփրիկյանի նախաձեռնությամբ կազմակերպեցին ուխտագնացություն դեպի Էջմիածին: Խումբը եղավ Սբ. Հռիփսիմե, Սբ. Գայանե, Սբ. Շողակաթ եկեղեցիներում, ապա Մայր Աթոռում:


Երիցս խորհրդավոր էր Գևորգյան ճեմարանի ներսում: Սարկավագ Հարությունը ներկայացրեց ճեմարանի պատմությունը, նրա ուղեկցությամբ ուսանողները շրջեցին լսարաններում, եղան ընթերցասրահում, հանդիսությունների սրահում, սպորտահալիճում: Ճեմարանականներին տարաբնույթ հարցեր ուղղվեցին, և նրանց խորագետ, շրջահայաց ու տրամաբանված պատասխանները հիացրին բոլորին:

Հանդիպումը եզրափակվեց Հարություն սարկավագի հետ զրույցով և հուշ-խմբանկարով: Բոլորը տպավորված էին հատկապես ճեմարանով, որը պարուրեց առեղծվածային, միստիկ տրամադրությամբ և մտքերով:

Ամփոփելով տպավորությունները՝ ուսանողները հասկացան, որ հայի գոյության գաղտնիքը հզոր հավատի, մտքի թռիչքի և լավատեսության մեջ է:



Կարապետ ԶԱՐՈՒԹՅՈՒՆՅԱՆ



71 տարեկան հասակում կյանքից հեռացավ Մանկավարժական համալսարանի Գործառնության և սոցիալական մանկավարժության ֆակուլտետի հոգեբանության ամբիոնի վաստակաշատ դասախոս Կարապետ Զարությունի Զարությունյանը:

4. Զարությունյանը ծնվել է 1946 թ. մայիսի 4-ին Վրացական ՍՍՀ-ի Ախալցխա քաղաքում: 1964-ին ավարտել է տեղի թիվ 3 հայկական դպրոցը, տեղափոխվելով Երևան, 1964-65թթ. աշխատել Երևանի ֆիզիկայի ինստիտուտում որպես փականագործ-հավաքող: 1965 թ. 4. Զարությունյանն ընդունվել է 1969-ին ավարտել է Խ. Աբովյանի անվան հայկական պետական մանկավարժական ինստիտուտի Մանկավարժության ֆակուլտետի դասվարական բաժինը:

Ինստիտուտում ավարտելուց հետո Կ.Զարությունյանը կարճ ժամանակ որպես լաբորանտ աշխատել է ԳՊՄՀ-ի մաթեմատիկայի դասավանդման ամբիոնում, ապա զորակոչվել է բանակ: Զորացրվելուց հետո իր հետագա աշխատանքային գործունեությունն ընդմիջտ կապել է հարազատ բուհի հետ. աշխատել է որպես լաբորանտ նախ ռուսաց և օտար լեզուների ինստիտուտում, ապա ծրագրավորման մեթոդիկայի լաբորատորիաներում, իսկ 1972-1974 թթ.-ին՝ հոգեբանության գիտահետազոտական լաբորատորիայում որպես ավագ լաբորանտ: Մինչև 2005 թվականը աշխատում է նույն լաբորատորիայի կրտսեր գիտաշխատող:

2006-ին Կ. Զարությունյանն անցնում է դասախոսական աշխատանքի՝ նախ բուհի զարգացման և կիրառական հոգեբանության ամբիոնում, հետո՝ տարիքային և մանկավարժական հոգեբանության ամբիոնում, իսկ 2016-ից՝ հոգեբանության ամբիոնում:

4. Զարությունյանը մասնակցել է բազմաթիվ գիտաժողովների, մի շարք գիտական հոդվածների հեղինակ է, իսկ 2015-ին լույս է տեսել նրա «Երեխայի շփման և մտավոր զարգացման կապը օնթոգենեզի վաղ փուլերում» վերնագրով արժեքավոր մենագրությունը:

4. Զարությունյանը ավիամոդելային սպորտի վարպետ էր, ԳՅ բազմակի չեմպիոն, 1991-1997 թթ. Եվրոպայի և Ասիայի առաջնությունների մասնակից և մեդալակիր:

Մեր անկեղծ ցավակցությունն ենք հայտնում Կ. Զարությունյանի ընտանիքին և հարազատներին:

Հոգեբանության և սոցիալական մանկավարժության ֆակուլտետի հոգեբանության ամբիոն

# ՆՈՐԱԳՈՒՅՆ ՏԵԽՆՈԼՈԳԻԱՆԵՐԻ ԴԵՐԸ ԿՐԹԱԿԱՆ ՈԼՈՐՏՈՒՄ

Բանասիրական ֆակուլտետի ուսանողներն իրենց կիրառական պրակտիկան են անցկացնում Էջմիածնի «Եօրնեկեան» հանրակրթական ուսումնական հաստատությունում: Շատ կարևոր և պատասխանատու օր պրակտիկանտների համար. բուն քննարկումներ, իրարաներժ կարծիքներ, տպավորիչ մտքեր, համոզիչ փաստեր. այն բոլոր անհրաժեշտ բաղադրիչները բանավեճն իրականացնելու համար, սակայն նոր, հեղինակային ձևաչափով՝ հարմարեցված մասնակիցների թվին (պրակտիկանտներ, աշակերտներ 9-րդ, 10-րդ, 11-րդ դասարաններից, յուրաքանչյուր թիմում ինը մասնակից):

1. Նոր տեխնոլոգիաների կիրառումը նպաստում է կրթական մակարդակի բարձրացմանը, թե՞ ոչ:

2. Դուք ընդունում եք առցանց ընթերցանությունը:

3. Նոր տեխնոլոգիաները կախվածություն առաջացնում են, թե՞ ոչ:

4. Ուսուցիչները, դասախոսները տիրապետում են համակարգչային գրագիտությանը, թե՞ ոչ:



Այս այն չորս հիմնական հարցերը, որոնց շուրջ իրենց կարծիքները ներկայացրին կողմ և դեմ թիմերը:

Զրույց-բանավեճին ներկա էին ԳՊՄՀ Բանասիրական ֆակուլտետի ղեկան Ա. Գալստյանը, պրակտիկայի ղեկավար Լ. Գալստյանը, խմբի ղեկավար Ա. Յուզբաշյանը, կրթական հաստատության փոխտ-

նօրեն Ն. Սարգսյանը, հայոց լեզվի և գրականության ուսուցչական անձնակազմը և ավագ դպրոցի աշակերտները:

Անչափ շնորհակալ ենք բոլորին ուշադրության, հատկացված ժամանակը տրամադրելու, ուսանողներին ուղղված բարձր գնահատանքի համար:

Սոսե ՊԵՏՐՈՍՅԱՆ

## ՄԻ ԼՈՒՍԱՆԿԱՐԻ ՊԱՏՄՈՒԹՅՈՒՆ 1965 թվականի շրջանավարտները կոնսերվատորիան ավարտելուց 20 փարի անց

Լուսանկարում հանրապետության անվանի երաժիշտներ են, որոնց մի մասը Մանկավարժական համալսարանի, մի մասն էլ կոնսերվատորիայի դասախոսներ են: Այստեղ են կոմպոզիտոր Տիգրան Մանսուրյանը և նրա կինը, Խորեն Մեյխանջյանը, ով աշխատել է ԳՊՄՀ երաժշտության ամբիոնի վարիչ (Չ. Զեքիջյանի երկրորդ դիրիժորն էր երկար տարիներ), Անանիա Բերբերյանը և Վազգեն Մինասյանը, ովքեր մինչև այսօր աշխատում են Մանկավարժական համալսարանի երաժշտության բաժնում, Սիգիզմունդ Ներսիսյանը՝ Կուլտուրայի ֆակուլտետի, Կարինե Քարամյանը՝ երաժշտության ամբիոնի դաշնամուրային բաժնի դասախոսներ:



### Լույս է տեսել



ԳՊՄՀ Կուլտուրայի ֆակուլտետի երաժշտության ամբիոնի ղոցենտ, ԳՅ մշակույթի նախարարության «Գրիգոր Նարեկացի» հուշամեդալակիր Վազգեն Մինասյանի՝ գործիքային կատարումների համար գրված 7 գիրք: Դրանք արժեքավոր ձեռնարկներ են մասնագիտական դպրոցների և քոլեջների դասատուների, բարձրագույն ուսումնական հաստատությունների (Կոնսերվատորիայի, Մանկավարժական համալսարանի) դասախոսների և ուսանողների համար. Սայաթ-Նովայի երգերի գործիքային և վոկալ մշակումներ, Իտալական հանրահայտ երգերի, Ա. Տիգրանյանի «Անուշ» օպերայից հատվածների, հայ կոմպոզիտորների ստեղծագործությունների դասական և ժողովրդական, ինչպես նաև բարդ անսամբլների փոխադրումներ և մշակումներ ֆլեյտայի և դաշնամուրի համար:

Գլխավոր խմբագիր՝ Սիլվա ԱՄՐՅԱՆ  
Էջադրումը՝ Պետրոս ՎԱՐԴԱՆՅԱՆԻ  
Համարի պատասխանատու՝ Սիլվա ԱՄՐՅԱՆ

Գրանցման վկայական՝ 01Մ00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaperaspu.am, asryansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 17.11. 2017 թ. Թերթը կարող եք կարդալ ԳՊՄՀ կայքում՝ www.aspu.am